

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Broj: 01-04- 984 /25
Banovići; 03-04. 2025. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH“ broj: 49/06), člana 43. Statuta općine Banovići („Službeni Glasnik općine Banovići broj. 2/20) , općinski Načelnik donosi:

P R A V I L N I K

o uslovima i postupku ostvarivanja prava za sufinansiranje dijela troškova registracije djelatnosti na području općine Banovići u 2025. godini

Član 1.

Pravilnikom o uslovima i postupku ostvarivanja prava za sufinansiranje dijela troškova registracije djelatnosti na području općine Banovići u 2025. godini (u daljem tekstu Pravilnik) utvrđuju se uslovi i postupak ostvarivanja prava za sufinansiranje dijela troškova registracije djelatnosti fizičkih i pravnih lica (aplikant) na području općine Banovići u 2025. godini, period realizacije sufinansiranja, raspoloživa sredstva, korisnici sredstava sufinansiranja, kao i izvor sredstava sufinansiranja po ovom Pravilniku.

Član 2.

Sredstva u iznosu od 85.000 KM u okviru kojih su predviđena sredstva za subvenciju sufinansiranja dijela troškova registracije djelatnosti na području općine Banovići u 2025. godini predviđena su u Budžetu Općine Banovići za 2025. godinu pozicija "Subvencija za potporu i promociju obrta i poduzetništva", ekonomski kod: 614 521.

Član 3.

Realizacija sredstava za sufinansiranje dijela troškova registracije djelatnosti na području općine Banovići vršit će se za period od 1.12.2024. godine do 25.12.2025. godine, ili do raspoloživosti sredstava predviđenih za raspodjelu za ovu namjenu.

Član 4.

Pravo na novčana sredstva po ovom Pravilniku imaju fizička i pravna lica koja u periodu od 1.12.2024. godine do 25.12.2025. godine registruju, obrtničku djelatnost u osnovnom i dodatnom zanimanju, ugostiteljsku ili trgovačku djelatnost u Službi za privredu, planiranje i lokalni razvoj općine Banovići, osim djelatnosti koje su vezane za klađenje, igre na sreću i sl.

Pravo na novčana sredstva po ovom Pravilniku imaju pravna lica koja u periodu od 1.12.2024. godine do 25.12.2025. godine registruju preduzeća; d.o.o., d.d. i sl. na području općine Banovići, , osim djelatnosti koje su vezane za klađenje, igre na sreću, mikrokreditne organizacije, banke.

Član 5.

Za sufinansiranje dijela troškova registracije obrtničkih, trgovačkih i ugostiteljskih djelatnosti po ovom Pravilniku, predviđen je iznos od 500,00 KM po jednom aplikantu.

Za sufinansiranje dijela troškova registracije preduzeća – d.o.o. ; d.d. i sl. po ovom Pravilniku, predviđen je iznos od 1.500,00 KM po jednom aplikantu..

Član 6.

Pravo na sredstva po ovom Pravilniku ostvaruje se putem Javnog poziva kojeg raspisuje općinski Načelnik.

Član 7.

Za ostvarivanje prava po ovom Pravilniku podnosilac zahtjeva (aplikant) - fizičko lice dužan je dostaviti sljedeću dokumentaciju (original ili ovjerene kopije):

- pravosnažno Rješenje o registraciji obrtničke, trgovačke ili ugostiteljske djelatnosti, izdato u periodu od 1.12.2024. godine do 25.12.2025. godine od Službe za privredu, planiranje i lokalni razvoj općine Banovići,
- obavještenje o razvrstavanju djelatnosti prema Klasifikaciji djelatnosti izdato od strane Federalnog zavoda za statistiku – kantonalni ured Tuzla,
- kopiju računa otvorenog kod poslovne banke ,
- kopiju poreznog broja (ID broj).

Član 8.

Za ostvarivanje prava po ovom Pravilniku podnosilac zahtjeva (aplikant) - pravno lice dužan je dostaviti sljedeću dokumentaciju (original ili ovjerene kopije):

- aktuelni izvod iz sudskog registra o registraciji firme odnosno društva sa ograničenom odgovornošću d.o.o.; d.d. i sl. izdat u periodu od 1.12.2024. godine do 25.12.2025. godine,
- obavještenje o razvrstavanju djelatnosti prema Klasifikaciji djelatnosti izdato od strane Federalnog zavoda za statistiku – kantonalni ured Tuzla,
- kopiju poreznog broja (ID broj),
- kopiju računa otvorenog kod poslovne banke.

Član 9.

Sufinansiranje dijela troškova registracije odnosi se na troškove prikupljanja neophodne dokumentacije, za registraciju djelatnosti, takse na izdavanje rješenja, izradu pečata, otvaranje računa kod poslovne banke, osnivački kapital, notarske obrade dokumenata, sudske i administrativne takse i sl.

Član 10.

Zahtjevi za sufinansiranje dijela troškova registracije djelatnosti na području općine Banovići u 2025. godini podnose se na pisarnici općine, Službi za privredu, planiranje i lokalni razvoj općine Banovići, najkasnije do 25.12.2025. godine.

Nakon provjere i obrade dostavljene dokumentacije, Služba za privredu, planiranje i lokalni razvoj, utvrđuje činjenično stanje, te za one podnosiocima koji ispunjavaju propisane uslove obračunava visinu novčanog podsticaja i prijedlog za isplatu dostavlja općinskom Načelniku koji donosi odluku o isplati sredstava.

Novčana sredstva se uplaćuju podnosiocu zahtjeva (aplikantu) na račun registrovane djelatnosti.

Član 11.

Za one aplikante koji uz zahtjev za sufinansiranje dijela troškova registracije djelatnosti ne dostave neophodnu dokumentaciju traženu ovim Pravilnikom, Služba za privredu, planiranje i lokalni razvoj općine Banovići provodi postupak dopune zahtjeva prema podnosiocu u skladu sa Zakonom o upravnom postupku („ Sl. novine F BiH broj: 2/98,48/99 i 61/22).

Ukoliko podnosilac zahtjeva i nakon provedenog postupka dopune zahtjeva ne dostavi neophodnu dokumentaciju, Služba za privredu, planiranje i lokalni razvoj općine Banovići u skladu sa Zakonom o upravnom postupku („ Sl. novine FBiH broj: 2/98,48/99 i 61/22) donosi Zaključak kojim se odbacuje zahtjev podnosioca.

Zaključkom će biti odbačeni i oni zahtjevi koji po bilo kojem osnovu ne ispunjavaju uslove propisane ovim Pravilnikom.

Na Zaključak je dopuštena žalba koja se izjavljuje općinskom načelniku. Rok za podnošenje žalbe je 8 dana.

Član 12.

Na pitanja koja nisu uređena ovim Pravilnikom, primjenjivat će se odgovarajuće odredbe Zakona o upravnom postupku.

Član 13.

Pravilnik stupa na snagu danom donošenja i isti će se objaviti u Službenom Glasniku općine Banovići.

Dostavljeno
1x Str.Služba opć. Vijeća
1x web stranica općine
1x radio Banovići
1x a/a



OPĆINSKI NAČELNIK

dr. sc. Mehmed Hasanović, dipl.ing. maš.